


Ilanngussaq B



Uunga:

Inatsisartut Aningaasaqarnermut Ataatsimiititaliaat

AIS 2015 pillugu Aningaasaqarnermut Ataatsimiititaliap apeqquataanut akissutit

01-04-2015

Matumuuna Inatsisartut Aningaasaqarnermut Ataatsimiititaliaanit Naalakkersuisunut AIS
2015 pillugu apeqquatinut akissutit tamarmiusut Naalakkersuisut sinnerlugit
nassiuppakka.

P. O. Box 1037

3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.nanoq.gl

Akissutit Naalakkersuisoqarfinnut Nunanullu Allanut Pisortaqaqarfirmut
immikkoortiternikuupput.

Ilanngussat ilaat kalaallisoortaqanngimmata qallunaatuinnaq nassiunneqarput.

Inussiarnersumik Inuulluaqqusillunga

A handwritten signature in black ink, appearing to read 'A. Uldum'.

Andreas Uldum



Aningaasaqarnermut Naalakkersuisoqarfimmut
oed@nanoq.gl

**AIS 2015-imut tunngatillugu Aningaasaqarnermut Akileraartarnermullu
Ataatsimiititaliap apequtigisaanut Naalakkersuisut Siulittaasuata
Naalakkersuisoqarfiaata akissutai**

25-03-2015
Suliap nr. 2015-113111
Dok. nr. 1914029

AIS2015-ip suliarineqarneranut atatillugu Aningaasaqarnermut Akileraartarnermullu
Ataatsimiititaliap Naalakkersuisunut apequtigisaanut tunngatillugu Naalakkersuisut
Siulittaasuata Naalakkersuisoqarfiaata akissutaa tullinguuttuni akineqarput.

Postboks 101
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Immikkoortumut tunngatillugu apequtigineqartunut akissut:

2. Nalinginnaasumik nassuiaatit

3.5. Immikkoortoq 2, Pisortat ingerlatsinerannik aqutsineranut tunngaviit, qupp. 87

Namminersorlutik Oqartussani, taassumalu ataani ingerlatsivinni aammalu
ingerlatseqatigiiffinni Namminersorlutik Oqartussanit pigineqartuni Naalakkersuisut
aningaasarsiaqartitsinikkut pingaarnertut qanoq anguniagaqarnermut
paasissutissiissutigequllugu Naalakkersuisut qinnuigineqarput? Akissarsianut
sulisunullu ajunngitsorsiassarititat pillugit ingerlatseqatigiiffiit (ilaannakortumik)
Namminersorlutik Oqartussanit pigineqartut atugassarititaasa
sunniuteqarfigineqarnissaannut Naalakkersuisut qanoq periarfissaqarpat?

Akissut:

2014-imi upernaakkut siulersuisunut ilaasortat akissarsiaqartinneqartarnerinut politikki
nutaq Naalakkersuisunit atuutsilersinneqarpoq, ingerlatseqatigiiffinni namminersorlutik
oqartussani tamakkiisumik ilaannakortumilluunniit pigineqartuni suliassat akisussaaffillu
annertusiartorneri tassuunnakkut ersersinneqarlutik. Tamatuma saniatigut
Naalakkersuisut ingerlatseqatigiiffinnik aqutsinerat toqqaannartumik
akuleruttussaanginneq aallaavigalugu pisarpoq, taamaasillutik Naalakkersuisut
ulluinnarni ingerlatsineranut akulerunneq ajorput, tamanna ingerlatseqatigiiffinni
pisortaasut suliassarimassuk, ingerlatseqatigiiffiit siulersuisuinit qullersaqarfianillu
isumagineqartussat. Aktiaateqarluni ingerlatseqatigiiffiit ineriartornerinut tunngatillugu
periutsit naapertorlugit Naalakkersuisut ingerlatsiniarput. Siulersuisuusut
akisussaaffigaat qullersaqarfimmik isumaqatigiissuteqarnissaq. Naalakkersuisut
naatsorsuutigaat ingerlatseqatigiiffiit aningaasarsiaqartitsinerat ingerlatseqatigiiffiup
aningaasaqarneranut angusarisartagaannullu naapertuutissasut. Ilanngullugu
aningaasarsiaqartitsineq inuiaqatigiinni aningaasarsiat ineriartornerinut sanilliullugu

naammaginaruussaaq qullersanillu piginnaasaqarluartunik pissarsiniarsinnaanermik piginniinnarsinnaanermillu periarfissiilluni.

3.12. Immikkoortoq 3.3, Ingerlatseqatigiiffinni Namminersorlutik Oqartussani piginegartuni annerpaani tallimani ineriartorneq ingerlateqatigeegarnerullu ilusaa, qupp. 95

Ingerlatseqatigiiffiit anginerpaat tallimat kaaviiartitaat uuttuutugalugit pinegartut Aningaasaqarnermut Ataatsimiititaliap ilimagaa.

- a) Ingerlatseqatigiiffinni anginerpaani tallimani ilanngaaseereerluni akiitsut erniallit tamarmiusut ikiliartornerat ataatsimiititaliamit pitsaasutut isigineqarpoq. KNI-lli akiitsui amerliartortutut isikkoqarput. KNI-p akiitsuisa ineriartornerat Naalakkersuisunit qanoq isigineqarpa?

Akissut:

Naalakkersuisut KNI-p akiitsunikkiartornera arajutsisimangilaat, tamannalumi maanna KNI-p kingullermik 12. august 2014-imi ataatsimeersuarnerani uparuarneqarpoq. Tamatuma saniatigut 2015-imi februarimi KNI-p, Inuussutissarsiornermut, Suliffeqarnermut Niuernermullu Naalakkersuisoqarfiup, Siulittaasup Naalakkersuisoqarfiata Aningaasaqarnermullu Naalakkersuisoqarfiullu akornanni ataatsimiitarnissat aallartinneqarput tassani KNI-p siunissaa eqqartorneqarluni, tassunga ilanngullugit iluanaarutinut tunngatillugu politikki, akiitsut akilersornissaat, kiffartuussinissamik isumaqatigiissutip annertussusissaa il.il. Tamakkuupput apeqqutit pingaaruteqartut 2015-imi upernaap ingerlanerani KNI suleqatigalugu qulaajarneqartussat.

- b) Ilulissani erngup nukinganik innaallagissiorfiup atorneqalernerata kingunerisaanik Polaroilip kaaviiartitaasa sinneqartoorutaasalu ikileriarnerat KNI-p naatsorsuutaasa kingullit ikileriarfiunerannut qanoq annertutigisumik sunniuteqarpat?

Akissut:

Polaroilimi angusat, ikummatissaqarnermut immikkoortortaqaqarfiup, 54,1 mio. DKK-inik sinneqartoorfiupput ukiumi naatsorsuussiorfiusumi siuliani 73,1 mio. DKK-iusimallutik. Angusat taamatut nikinneranut pissutaavoq ukiumi naatsorsuussiorfiusumi kiffartuussinissamat isumaqatigiissutip avataasigut suliat ukiut siuliinut sanilliullugit annertuumik annikilleriarsimanerat kiisalu kiffartuussinissamik isumaqatigiissutip iluani kaaviiartitat ukiumi naatsorsuussiorfiusumut 2012/2013-imumt sanilliullugit appasinnerusimanerat 2012/13. Kiffartuussinissamik isumaqatigiissutip avataasigut kaaviiartitat appariarnerat uuliamik ujaasisoqannginnerata kingunerisaanik suliassat appariarsimaneramik pissuteqarpoq 2013-2014-imilu kiffartuussinissamik isumaqatigiissutip iluani kaaviiartitat erngup nukinga atorlugu innaallagissiorfiortiternerit kingunerisaanik liiterinngorlugit aningaasanngorlugillu kaaviiartittakkanut sunniuteqarsimapput. Kiffartuussinissamik isumaqatigiissutip iluani liiterinngorlugit kaaviiartittakkat ukiugaluit matuma sionatigut ullumikkornit annertunerusimaqaat.

Liiterinngorlugit kaaviiartittakkat appariarnerinut pissutaasut annersaraat nunatsinni erngup nukinga atorlugu innaallagissiorfiortiternerit, tamatuma saniatigut inigisat/illut

ukiut ingerlanerini oqorsarlugaanerusalersimapput atuisartullu innaallagissamik atuilluarnissamut pikkorinnerulersimagunarlutik.

- d) Ukiumi naatsorsuuserinikkut kukkusoqarnerata kingunerisaanik Pilersuisup toqqortaasivia 46 mio. kr.-inik nalikillilerneqartariaqarsimasoq qupp. 97-imi taaneqarpoq. Naatsorsuuserinikkut kukkuneq suna pineqarpa?

Akissut:

Naatsorsuinikkut kukkunerit KNI-p 2011-2012-imit tunngatillugu ukiumoortumik nalunaarusiaani qupperneq 7-8-imi allaaserineqarput. Naatsorsuinikkut kukkunerit paasineqarput "sippulimmik toqqortaateqartarnermit" "aqqusaartunik toqqortaateqartarnermut" ikaarsaariarnermi. Toqqortaatiit nalingisa naatsorsornissaanut naatsorsueriaatsit naammaginangilluinnarsimapput, eqqortumillu naatsorsuinissamut arlaleriarlutik nalornisitsisarsimallutik. Aqqusaartunik toqqortaateqartalermit ikaarsaarnemut tunngatillugu tamatumalu kingorna misissueqqissaarnermi naatsorsuinikkut kukkusoqarsimanagera paasineqarpoq. Aqqusaartunik toqqortaateqartalerneq atuuksilersinnerata kingorna isumannaatsumik ingerlatsisoqalerpoq siunissamilu taamatut pisoqaqqinnginnissaa naatsorsuutigineqalerluni.

- e) Ilanngaaseereerluni kaaviiartitat, ukiumut angusat, sinneqartooruteqassuseq, patajaassuseq aammalu ilanngaaseereerluni akiitsut erniallit eqqarsaatigalugit ingerlatseqatigiiffiit Namminersorlutik Oqartussanit pigineqartut allat, tassunga ilanngullugu Illuut A/S qanoq ingerlanerannut skemanngorlugu takussutissiamik pissarsisinneqarnissani ataatsimiititaliap kissaatigaa?

Akissut:

Nalunaarsuutit 2013 – mio. kr.					Ila ak eri
	Ilanngaaseereerluni kaaviiartitat	Ukiumi angusat	Sinneqartoorutit annertussusii	Akiliisinnaassuseqarneq	
Tele Greenland A/S	828	64	14%	55%	30
KNI A/S	2.393	42	3%	44%	82
Royal Greenland A/S	5.312	100	3%	28%	1.4
Royal Arctic Line A/S	719	-14	-	66%	So
Air Greenland A/S	1.169	41	6%	56%	74
A/S Inissiatileqatigiiffik INI	114	1	2%	48%	26
Great Greenland A/S	45	6	15%	62%	30
Illuut A/S	48	14	65%	11%	26
Greenland Oil Spill Response A/S	3	0	-	98%	So
Visit Greenland A/S	19	0	0%	61%	So
Greenland Holding A/S	9	46	-	88%	So

NunaMinerals A/S	0	-61	-	81%	13
NunaOil A/S	3	-9	-	66%	So

Tamatuma saniatigut Aningaasaqarnikkut ingerlatsineq pillugu Naalakkersuisut nalunaarutaat innersuussutigineqarpoq, tassanittaaq paasissutissat atuarneqarsinnaammata.

c) Illuut A/S-imut atatillugu Naalakkersuisut qanoq pilersaaruteqarpat?

Akissut:

Naalakkersuisooqatigiinnissamik isumaqatigiissummi ingerlatseqatigiiffiit qanoq isiornikkut iliuusissatut pilersaarusiornissaat allaaserineqarpoq, anguniagaavorlu ukiuni aggersuni ingerlatseqatigiiffiit tamakkerlugit piginnittunit iliuusissaliorfigineqarnissaat, tassunga ilaalluni Illuut A/S. Taana ineqarnerup pilersaarutaareersutut aaqqissuuteqqinnissaanut tunngatillugu misissueqqissaarnissanut ilaatinneqarpoq. Taamatutaaq kaammattuutigineqarpoq ineqarnermut tunngasut kommuninut akisussaaffigitilersinnaanissaat aallaavigineqassasoq, takukkit Akileraartarnermut Atugarissaarnermullu Ataatsimiititaliarsuup suliassaqarfimmut tassunga tunngatillugu kaammattuutai. Taamaasilluni qanilaartuunissamik periusissaq aallaavigineqarsinnaalissaaq.

3.18. Immikkoortoq 6, Naalakkersuisut salliutitaat, qupp. 105

Konto pingaarneq 10.13.11-mi, Aktiaateqarluni ingerlatseqatigiiffinnut toqqaannartumik aningaasartuutitut tunngasumi, 2018-imi Nunaoil A/S-imut akileeqqaarutitut Naalakkersuisunit 10 mio. kr.-it immikkoortinneqarput, taakkullu suliffeqarfiup "going concern"-iunnarnissaanut Naalakkersuisut malillugit pisariaqarput.

a) NunaMinerals A/S pillugu suliaq misillerfigalugu suliaq pineqartoq ataatsimiititaliamit ima paasineqarsinnaavoq ingerlatseqatigiiffiup sillmmatini nungusarlugit aallartikkai. Tamanna pillugu Naalakkersuisut oqaaseqarnissaat ataatsimiititaliamit kissaatigineqarpoq.

Akissut:

Suliamut NunaOil-imut tunngasumut Ataatsimiititaliap paasinnissimanera eqqoqqissaarpoq. Naalakkersuisut nalilerpaat ingerlatseqatigiiffik sajupillattitsisarluni uuliasiornermut aningaasarsiorpiarunnaarsimasoq, taamaasillunilu ingerlatseqatigiiffiup aningaasaatini tigorianaanaat atortariaqalersimagai aningaasartuutitik matussusersinnaajumallugit. Pissutsit siunissami taamatut ingerlaannassappata taamaattumik pisariaqassaaq ingerlatseqatigiiffiup aningaasaliffigisariaqarnissaa ingerlatseqatigiiffiup going concern-itut inissisimanini attatiinnassappagu. Aningaasaliissutigineqartut annertussusaat aammalu ingerlatseqatigiiffiup aningasaartuutigisartakkaminik massakut ingerlataminut naleqqussaasariaqarnera Naalakkersuisunit ukiup siuliani apeqquserneqarmata, naluneqanngitsutut siulersuisuni ilaasortat namminneerlutik tunuarneranik kinguneqarpoq.

Immikkoortumut tunngatillugu apeqqutigineqartunut akissut:

5. Suliassaqarfik 10 - 12 kiisalu 27 Naalakkersuisut Siulittaasuat

5.1 Konto pingaarneq 10.01.27 Saammaateqatigiinnissamut Isumalioqatigiissitaq

Naalakkersuisooqatigiit isumaqatigiissutaat missingersuutinut ilanngussami innersuussutigineqartoq tassaavoq Naalakkersuisooqatigiit siuliisa 26. marts 2013-imi isumaqatigiissutaat. Oqaasertat taakku assingi maanna naalakkersuisooqatigiit isumaqatigiissutaanni ilaangillat.

- a) Saammaateqatigiinnissamut Isumalioqatigiissitaq qaqugu
nalunaaruteqartussatut naatsorsuutigineqarpa?

Akissut:

Isumalioqatigiissitap sulinissamini tunngavissaa naapertorlugu killiffini pillugit ukiukkaartumik nalunaarusiortartussaavoq, taannalu ukiumi kvartalit aappaata naannginnerani saqqummiunneqartussaavoq. Killiffiit siulliit pillugit nalunaarusiat arlallit 2015-imi junimi tunniunneqartussapput, killiffik pillugu nalunaarusiaq tulleg juni 2016-imi aammalu killiffik pillugu nalunaarusiaq kingulleq juni 2017-imi saqqummiunneqassapput isumalioqatigiissitallu sularisimasaasa eqikkarnerinik imalimmik isumaliutissiissummik 2017-ip naanerani naggaserneqassallutik.

- b) Aningaasaliissutinit qanoq amerlatigisut isumalioqatigiissitami ilaasortat akissarsiaannut suleqatigiissitallu aningaasarsiaqartinneqarnerannut atorineqartarpat?

Akissut:

Isumalioqatigiissitami ilaasortat Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisissaat nr. 22, 18. december 2003-meersumi § 18, imm. 1 naapertorlugu akissarsiaqartinneqarput, tassani isumalioqatigiissitap ataatsimiinnerini ullut tamaasa akissarsiaqartinneqassallutik ullut piareersarfiusut angalaffiusullu ilanngullugit, killiffiit pillugit nalunaarusiortarnissani isumalioqatigiissitami ilaasortat suleqataanerini, nalunaarusiornerni, misissugassat aaqqissuunnerini ingerlateqqinnerinilu il.il. kiisalu innuttaasut peqataaffigisassaanik aaqqissuussisarnerni. Taamaasilluni isumalioqatigiissitami ilaasortat akissarsiaqartitaanerini ilaasortat amerlassusaat kiisalu suliassat annertussusaat apeqqutaasarput, akissarsiaqartitsinissanullu aningaasartuutissat 400.000 kr. missaanut missingerneqarsinnaapput.

Ilisimatitsissutigineqarsinnaavoq Saammaateqatigiinnissamut Isumalioqatigiissitaq suleqatigiissitanik pilersitsisinnaanissamut periarfissamik aamma akiliilluni avataaniit ikiorteqarsinnaanissamut periarfissarititamik suli atuisimangimmat. Ilanngullugu ilisimatitsissutigineqarsinnaavoq suleqatigiissitaasinnaasuni ilaasortat imaluunniit suleqataasinnaasut ataasiakkaat isumaqatigiissutiit atuuttut naapertorlugit aningaasarsiaqartinneqassamaarmata imaluunniit inuit ataasiakkaat immikkut isumaqatigiissuteqarfignersigut. Taakkununga akissarsiaqartitsinissat 200.000 kr. missaaniitussanngorlugit missingerneqarsimapput.

- c) Isumasioqatigiissitap sulineranut ataiillugu angalanermut akunninnermullu aningaasartuutit aningaasaliissutinit aamma matususerneqartarpat?

Akissut:

Ilisimatitsissutigineqarsinnaavoq isumalioqatigiissitamut ataiillugu angalanernut najugaqarnernullu aningaasartuutit tamarmik aningaasaliissutit aqutigalugit matususerneqartartussaammata. Ilanngullugu ilisimatitsissutigineqarsinnaavoq angalanernut najugaqarnernillu aningaasartuutissat 300.000 kr. missaaniittussatut missingerneqarmata.

5.2 Konto pingaarneq 10.06.11 Nunaqqatigiit Siunnersuisoqatigiivi

Nunaqqatigiit Siunnersuisoqatigiivisa aqunneqarnerannut il.il. aningaasat ikinnerusut atorneqartarnissaat anguniarlugu Nunaqqatigiit Siunnersuisoqatigiivisa nalinginnaasumik sipaaruteqarnerisa nassataanik aningaasaliissutit ikilisinneqartut Naalakkersuisut paasissutissiippat.

- a) Allaffissornermut suliassanullu isumaginninnermut, kultureqarnermut, atuartsinermut pissutsinullu allanut attuumassutilinnut manna tikillugu ukiumut aningaasat qanoq amerlatigisut atorneqarsimanersut paasissutissiissutigineqassasoq ataatsimiititaliamit kissaatigineqarpoq?

Akissut. Siulittaasup Naalakkersuisoqarfia ukiumut naatsorsuusiortiusunut 2013 aamma 2014-imut tunngatillugu Nunaqqatigiit Siunnersuisoqatigiivinit kisitsisit pissarsiarisimavai, kisitsisillu tullinnguuttuni saqqummiunneqarput:

Aningaasartuutit	2013-imi naatsorsuutit inerneri	2014-imi naatsorsuutit inerneri
Tlf. aamma internet	17.400	16.523
Allaffimmi atortut	9.364	3.584
Kukkunersiuisoq	31.915	5.025
Illumut akiliutit atukkat ilanngullugit.	98.627	68.285
Sillimmatit (akisussaanermut aamma ikuallattoornissamut)	7.908	21.069
Akissarsialerineq, ataatsimiinnerit, eqqiaaneq il.il.	179.423	109.8148
Sulinikkut iluanaarutisiassanit annaasat	13.905	19.170
Siulersuisut akissarsiassa	79.834	81.217
Suliffinnut akitsuut (0,9 %)	2.877	2.606
Ilassinnittarneq	10.286	3.788
Nittartagaq(Wannafind)	16.033	0
Timmisartunut billetsit	0	0
Akunnittarfinni najugaqarneq	0	0
Akiliutit assigiinngitsut	830	830
Bilinik ingerlatsineq, sillimmatit, orsussaq, aserfallatsaaliinerlu	37.126	14.048
Pequtit pisaartornerillu	9.210	84.467
Kulturi (unnuk kulturisiorfik aqqissuussinerit assigiinngitsut)	473	101.965
Unnukkut atuartitsineq	29.636	62.638

Katillutik	544.847	595.033
------------	---------	---------

- b) Taamatut annertoorujussuarmik ikilisinneqarnerat Naalackersuisut aammalu Nunaqqatigiit Siunnersuisoqatigiivisa akornanni tamakkiisumik paaseqatigiinnikkut pisimava?

Akissut. Naamik. Nunaqqatigiit Siunnersuisoqatigiivi 3. marts 2015 Naalackersuisunut naammagittaalliummik nassitsisimapput, taannalu allaffissornikkut 13. marts 2015 akineqarluni.

5.3 Konto pingaarneq 10.06.24 Nunatsinni tusagassiutinut naqitanut tapiissutit

Ilinniartitaanermut, Kultureqarnermut, Iisimatusarnermut Ilageeqqarnermullu Naalackersuisoqarfiup suliaasaqarfimmik akisussaasutut apeqqutit kontomut pingaarnermut tassunga tunngassuteqartut akissuteqarfigisussaavai.

5.4 Konto pingaarneq 10.06.27 Suliffissuaqarnermut pilersaarutinut annernut atatillugu arlaannaannulluunniit attuumassuteqanngitsumik paasiniaasussanut aningaasaanik tapiissutit.

Qinnuteqartunut najoqqutarisassat nuutinneqarnera ataatsimiititaliamut nassiunneqassasoq kissaatigineqarpoq. Tamatuma peqatigisaanik aaqqissuussinnermit maannamut misillittakkat qanoq ittuunersut oqaatigineqarnissaat kissaatigineqarpoq.

Akissut:

NGO-t marlussuit saaffiginnissimapput sinaakkutissat aamma aningaasaliissutissat annertussusissaanik paasiniaallutik. Namminersorlutik Oqartussat nittartagaanni Siulittaasup Naalackersuisoqarfiata ataani qupperneqarpoq: "Paasiniaasussanut aningaasaliissutit" tassani sinaakkutissat allaaserineqarsimapput. 2014-imi ataaseq qinnuteqarsimavoq qinnuteqarnissamilu piumasaqaatit naammassineqarsimangimmata qinnuteqaat itigartinneqarluni.

Immersugassaq, qinnuteqartut maleruagassaanik ilalik akissuteqaammut uunga ilanngullugu nassiunneqarpoq.

5.5 Konto pingaarneq 10.13.10 Iluanaarutit, aktianit piginneqataaffinniit piginneqataassutit tunisinerillu

Ilaatigut isumannaallisaanissamut piumasaqaatit nutaanillu aningaasaliiffisassatut pisariaqartitat ingerlatseqatigiiffimmit ingerlatseqatigiiffimmut assigiinnginnerat pissutigalugu ingerlatseqatigiiffiit iluanaarutinut assigiimmik pingaarnertut iliuseqartarnissaannut aalajangersaasoqarsinnaannginnera pillugu Naalackersuisut

paasissutissiinerat ataatsimiititaliamit isumaqatigineqarsinnaavoq. Taamaakkaluartoq nalinginnaasumik nassuiaatit ataanni aktiaateqarluni ingerlatseqatigiiffinnit Namminersorlutik Oqartussanit pigineqartunut tallimanut anginerpaanut kisitsisinut pingaarnernut takussutissiaq qiviaraanni ingerlatseqatigiiffinnit Namminersorlutik Oqartussanit pigineqartunit taama annertutigisunik isertitaqarnissaq naatsorsuutigineqarmat ataatsimiititaliamit eqqumiigineqarpoq. Ingerlatsineq eqqarsaatigalugu RAL-imut KNI-mullu kisitsisit pingaarnit ineriartornerat aningaasaqarnerup siumukarneranik erseqqissumik takussutissiisorinangilaq. RG eqqarsaatigalugu akiitsut suli annertoorujussuupput, tamannalumi akiliisinnaassutsip annertussusiani aamma takuneqarsinnaalluni.

- a) Tamanna tunngavigalugu ingerlatseqatigiiffinnit ilanngaaseereerluni isertitassat naatsorsuutigineqartut nassuiaateqarfigineqarnissaat ataatsimiititaliamit kissaatigineqarpoq.

Akissut:

Ingerlatseqatigiiffiit Namminersorlutik Oqartussanit pigineqartut isertitassat naatsorsuutigisaasa immikkoortiternerit tullinnguuttuni takuneqarsinnaapput. Tassunga tunngatillugu erseqqissaatigisariaqarpoq tabel-it tullinnguuttuni saqqummersinneqartut massakkut pissutsit aallaavigalugit saqqummersinneqarmata inuiaqatigiinni ineriartorneq pissutigalugu allanngorsinnaasut.

Kisitsisit mio. kr-inngorlugit.	AIS2015	2016	2017	2018
Tele Greenland A/S	-32	-32	-32	-32
KNI A/S	-30	-30	-30	-30
Royal Arctic Line A/S	0	0	0	0
Greenland Holding A/S	-30,5	-20,5	-7,5	-7,5
Royal Greenland A/S	-34	-50	-60	-70
NunaOil A/S	0	0		0
INI a/s	0	0	0	0
Ingerlatseqatigiiffiit ilaannakortumik pigisat	-19,75	-8,5	-7,6	-6,7
Sillimmatit immikkoortitigaanngitsut*		-10	-10	-15
Konto10.13.10 katill.	-146,25	-151	-147,1	-161,2

- b) Suliffeqarfii akiliisinnaassusiata appasinnera eqqarsaatigalugu Royal Greenlandimit annertuumik iluanaaruteqarnissamik piumasaqaateqarnissaq suli siusippallaartoq Naalakkersuisut ataatsimiititaliaq isumaqatigaat?

Akissut:

Royal Greenland pitsaasumik ineriartorpoq, tamatumalu kingunerisaanik akiitsut erniaqaataasussat annertuumik ikileriarfinneqarsimallutik. Ukiumoortumik naatsorsuutit kingullit saqqummersinneqarnerani akiitsut erniaqaataasussat 897 mio. kr.-iupput taamaasillutilli pilersaarutaasutut anguniakkaniit 1 mia. kr.-iusunut taakku annikinnerupput. Taamaasilluni ingerlatseqatigiiffik oqaluttuarisaanitsinni nutaanerusumi

aningaasaqarneq niuernerlu eqqarsaatigalugit aatsaat taamak nukittutigisumik inississimalernikuvoq. Akiitsut 2007-08-imi amerlanerpaagamik 2,3 mia. kr.-iupput, taamaasillutillu ullumikkut inissisimaneq aallaavigalugu akiitsut milliartit aappaata affaanik appartinneqarsimapput. Tamatuma saniatigut Royal Greenlandip aalisakkanik suliffissuaatiminik Wilhelmshavenimiittumik tunisinini naammassivaa, iliuusissami "The North Atlantic Champion"-imik taasimasami ilaatut. Taamaasilluni Royal Greenland ullumikkut akimmisaarfeerunnerulluni atlantikullu avannaani pisuussutinik niuernikut aallaaveqarnerulluni ingerlatsilernikuvoq. Tamatuma saniatigut akiliisinnaassuseqarneq 2009-10-mit qaffakkiartorsimavoq ullumikkut 33 % missaaniilluni. Royal Greenland ullumikkut ima inissisimalersimavoq allaat ukiut siulliinniit annertunerusumik agguagarsisalernissaq isumalluarfigineqarsinnaalerluni.

- c) Ataatsimiititaliaq tunngaviummik isumaqarpoq aningaasanut inatsisissatut siunnersuummi ingerlatseqatigiiffinnit iluanaarutissatut naatsorsuutigisat immikkoortiterneqarnerannik naqterisitsisoqarunnaanera naapertuutinningsoq, taamaattoqarpat iluanaaruteqarnissamik Naalakkersuisut naatsorsuutaat pivusorsiortuunersut imaluunniit akerlianik aningaasanut inatsimmi amigartoorutit matussuserniarlugit Naalakkersuisut ingerlatseqatigiiffinnit aningaasanik tigooraanersut nalilersussallugu pisariinnerussammat. Immikkoortiternerat ingerlatseqatigiiffiit avataanit aningaasalersorneqarnissamik pinngitsuuisinnaangitsut eqqarsaatigalugit oqaatigineqartut malillugit pitsaangitsumik kinguneqarsinnaammat peerneqartoq ataatsimiititaliamit ilisimaneqarpoq. Tamanna taamaassorinninnermik tunngavilimmik ajornartorsiutaaginnaangila aammalu ataatsimut isigalugu ingerlatseqatigiiffinnit "ajornartorsiortunit" isertitat kontomut pingaarnermut immikkut ittumut nalunaarsorneqarnerisigut ajornartorsiut aqqiivigineqariaannaangila?

Akissut:

Nalunaarsuiffik kingullermik AIS2012-imi ilaatinneqarpoq, allannguutissallu siunnersuuteqarnikkut peerneqarsimalluni tassanilu tunngavilersuutit atuarneqarsinnaapput. Taannattaaq aningaasaqarnermut ataatsimiititaliap apeqqutaanut akissutaavoq.

"Tassunga pissutaavoq ingerlatseqatigiiffinnit ilaannakortumik pigineqartunit pissarsiat pillugit tamanut ammasumik paasissutisseerusuttannginneq. Pingaartumik ingerlatseqatigiiffiit aningaasanik niuerfimmit nalunaarsorneqarsimasut eqqarsaatigalugit ingerlatseqatigiiffinnit naatsorsuutigisatut pissarsiassat Namminersorlutik Oqartussanit saqqummiunneqartalernerat pigineqataasut namminersortut naatsorsuutigisaanut sunniuteqarsinnaapput, taamaasilluni ingerlatseqatigiiffiit ataasiakkaat nalingi sunnerneqarsinnaallutik.

Ingerlatseqatigiiffiit namminersorlutik oqartussanit pigineqartut iluanaarutit ilaanik agguagarsisitsisarnerit akileraarutininik akiluteqarnertut pisortanit aalajangersarneqarsimasutut misigarsinnaavaattaaq, tamannalu pissusissamisunnigilaq. Siunissaq isigalugu anguniarneqarpoq ingerlatseqatigiiffiit namminersorlutik oqartussanit pigineqartut iluanaarutaanit agguagarsiassat ingerlatseqatigiiffiup angusarisimasaanik aallaaveqartalernissaat, ullumikkusut annertussusissaat siumut aalajangersareertarnagit. Siunissaq isigalugu iluanaarutininik agguagarsiassat piginnittut naatsorsuutigisaat aallaavigalugit tunniussisoqartalissapput aammalu ingerlatseqatigiiffiup ineriartornera aallaavigalugu

agguagarsisitsisoqartalissaaq. Aningaasaqarnermut Naalackersuisoqarfik aamma Inatsisartut Aningaasaqarnermut Ataatsimiititaliaat kontomi uani suliassanut kisitsisinik immikkoortiterneqarsimanngitsunik isertuusanngorlugit tigusaqartalissapput.”

5.6 Konto pingaarneq 10.13.11 Aktiaateqarluni ingerlatseqatigiiffinnut toqqaannartumik aningaasartuutit

Ukiumi missingersuusiorfiusumi 2018-imi Nuna Oilimut 10 mio. kr.-it immikkoortinneqassasut Naalackersuisut siunnersuutigaaat. Assersuutigalugu uuliap gassillu iluini Naalackersuisut anguniagaat annertungaatsiartut eqqarsaatigalugit ukiuni tulluuttuni ingerlatseqatigiiffik taanna tapersorsorneqarnissamik pisariaqartitsisutut Naalackersuisunit isigineqanngimmat aamma ingerlatseqatigiiffiup aningaasaqarnikkut ajalusoornissaa utaqqiinnarneqarsorinarmat imminut assortuuttoqarsorinarpoq.

Ataatsimiititaliap ilisimavaa Great Greenland aningaasaqarnikkut ima annertutigisumik ajornartorsiortoq allaat ingerlatseqatigiiffik aningaasaqarnikkut pisussaaffimminik isumaginnissinnaaqullugu aningaasatigut ingerlaavartumik tapiissuteqarnissaq pisariaqarsimalluni.

- a) Kontomi pingaarnermi tassani aningaasaliissutinik pisariaqartitsisoqarnissaa Naalackersuisunit sooq naatsorsuutigineqannginnersoq paasissutissiissutigineqassasoq ataatsimiititaliamit kissaatigineqarpoq?

Akissut:

Naalackersuisut ingerlatseqatigiiffimmit paasissutissanik tigusaqarsimapput, tassani ilisimatitsissutigineqarluni aatsaat 2017-imi immaqalu 2018-imi pisariaqartitsisoqassasoq ingerlatseqatigiiffimmit qanoq suliassaqartigineq apequtaassalluni. Naalackersuisut massakkut Great Greenlandimut tunngatillugu misissuinitik aallartippaat ingerlatseqatigiiffiup aningaasatigut pisariaqartitaasa annertussusaat paaseqqissaarniarlugu. Taamaattumik ingerlatseqatigiiffik aningaasaliiffigineqaratarsinnaavoq, taakkuli suli qulaajarneqaaqqissaanngimmata pisariaqartitat kontomut pingaarnermut ilanngunneqarsinnaasimangillat.

- b) NunaOilip aamma Aatsitassanut Naalackersuisoqarfiup aammalu ingerlatseqatigiiffinnut allattoqarfiup akornanni suleqatigiinneq qanoq ingerlava aammalu NunaOilip aningaasaqarnikkut ajornartorsiorterata ingerlatseqatigiiffimmut siusinnerusukkut aningaasanik immikkoortitsinissaq pisariaqalersinngilaa?

Akissut:

NUNAOIL 1984-imi pilersinneqarpoq Kalaallit Nunaanni ikummatissanik ujaasinermi kalaallit danskillu pisortaasa ataatsimut peqataanerinik isumaginnittussanngorlugu. Namminersornissamat inatsisip akuerineqarnerata kingorna Namminersorlutik Oqartussat NUNAOIL-imik kisimillutik piginnittunngorput. Ullumikkut NUNAOIL ingerlatseqatigiiffiuvoq namminersorlutik oqartussanit pigineqartoq arfineq marlunnillu sulisulik. Ingerlatseqatigiiffiup massakkut misissuinissamat atuinissamullu akuersisissutinik 23-nik piginneqataalluni ingerlatsisuuvoq. Pilersinneqarneranut tunngatillugu inatsisit massakkut atuuttoq naapertorlugu NUNAOIL nalinginnaasumik ingerlatseqatigiiffiuvoq, piginnittut nakuutiliinissanut massakkut periarfissarititaasut

killilersuutaasinnaasullu eqqarsaatigalugit aktiaateqarluni ingerlatseqatigiiffinnut nalinginnaasunut atugassarititaasut aallaavigalugit ingerlanneqartoq. Suleqatigiinneq annertuvoq NUNAOIL aamma Aatsitassanut oqartussaasut TCM aamma OCM-imik taaneqartartut ataatsimiinnerini akuersissutininut tamanut tunngatillugu akuersissuteqartutut, piginnittullu aallartitaatut nakkutilliisutullu peqataasarmata. TCM ataatsimiinnerini akuersissummik ingelatsisuuusut suliat ataasiakkaat killiffii teknikkikkut saqqummiuttarpaat aammalu akuersissummik pigisaqartut teknikkikkut aaqqiissutaat ujaaseqqinnissanilu periarfissat eqqartorneqartarput. OCM ataatsimiinnerini aaqqiissuusaaneq eqqarsaatigalugu peqataaneq qaffasissummik inissisimasarpoq, tassani akuersissummik pigisaqartut aallartitaat aningaasaqarnikkut pingaarnerusutigut pissutsit saqqummiuttarpaat missingersuutissallu suliassanngortullu aamma akuerineqartarlutik. Akuersissut ataaseq TCM-imi aamma OCM-imi pingasoriarluni sisamariarluniluunnit ukiumut ataatsimiissutigineqartarpoq - tassa imaappoq ukiumut ataatsimiinnerit 150-it angullugit ingerlanneqartarput. Ataatsimiinnerit ilaat ataatsikkut ingerlanneqartarput akuersissuteqarfigisat ataasiutillugit taamaasiornikkut piffissaajarnissaq angalanernullu aningaasartuuteqarpallaarnissaq pinaveersaarniarlugit. Inuussutissarsiornermut, Aatsitassanut Suliffeqarnermullu Naalakkersuisoqarfik aamma Aatsitassanut Aqutsisoqarfik kiisalu Nunaoil A/S Kalaallit Nunaanni uuliamik gassimillu ujaasinernut tunngatillugu ataatsimoorlutik annertuunillu suliassaqartarput.

Namminersornermut inatsisip eqqunneqarnerata kingorna aammalu uuliamik gassimillu ujaassinert annertusinerisa kingunerisaanik Naalakkersuisut kissaatigisimavaat NUNAOIL A/S-ip qanoq isiorluni ineriartortinneqarnissaanut aammalu ingerlatseqatigiiffiup suut suliarisassanerinik erseqqissunik sinaakkusiisoqarnissaa. Tassunga tunngatillugu nassuiaat Aningaasaqarnermut Naalakkersuisoqarfik, Aatsitassanut Pisortaqaarfik Siulittaasullu Naalakkersuisoqarfia suleqatigalugit 2012-imi saqqummersinneqarpoq taannalu NUNAOIL A/S-ip ukiuni aggersuni nunatsinnut tunngatillugu qanoq inissisimanissaa eqqarsaatigalugu Naalakkersuisut politikkipissaani sinnaakkutitut aallaavigineqartarpoq. NUNAOIL A/S-ip ineriartortitsinissamini pilersaarutaasa sinaakkutissaasalu nalilersortariaqalerneranik pisariaqartitsineq pivoq Namminersulernerup kingorna Namminersorlutik Oqartussat NUNAOIL A/S-imik kisimiillutik piginnittunngormata. Tamatuma malitsigisaanik ingerlatseqatigiiffiup Kalaallit Nunaata aningaasaqarniarneranut sunniuteqartarnissaa eqqarsaatigalugu allanngortitserujussuarpoq. Tamatumunnga ilaatigut patsisaavoq NUNAOIL A/S-imi aatsitassanit isertitat danskit naalagaaffianit ataatsimut tapiissutinit ilanngaatigineqartartussaanerat ilaatigullu patsiseqarluni uuliami gassimilluunniit siullermeersumik aningaasarsiuuteqalernissaq siunertaralugu ineriartortitsinernut ingerlatseqatigiiffiup peqataaneranut atatillugu NUNAOIL A/S-imut taarsigassarsiarititaajunnartut aningaasaliissutaajunnartulluunniit Namminersorlutik Oqartussanit isumagineqartartussaanerat. Tamatuma kingunerisaanik nalilernerqarpoq NUNAOIL A/S-ip Kalaallit Nunaanni angerlarsimaffeqartutut sullissisinnaasutullu uuliasiorititsivinngortinnissaa anguniarlugu ineriartortitsinissamut aningaasatigut tunngavissat suli inissinneqarsimanngitsut. Taamaattumik kaammattuutigineqarpoq:

"Namminersorlutik Oqartussat piginneqataassutaat [akuersissutit aqqutigalugit] uuliasiorititseqatigiiffimmu uuliasiornermik ingerlatsinngitsumut aaqqiissuunneqassapput akuerissutit aqqutigalugit piginneqataasutit isumaginissaanut eqiterlugillu eqaatsumik aaqqiissuullugit. Uuliasiorititseqatigiiffiit uuliasiornermik ingerlatsinatik naalagaaffiit akuersissutit aqqutigalugit piginneqataassutaanik aqutsisarut nunani allani atornerqarput. Ingerlatsiviit taamaattut suliassaasa isumaginissaanut sulisut ikittuinnaat

pisariaqartinneqartarput, taakkulu tassaasarlutik inuit uuliasiornermik ilisimasallit, pingaartumik aningaasarsiutigalugu uuliasiorneq eqqarsaatigalugu.”

Ineriartortitsinissap taamatut iluseqarluni ingerlanneqarnissaa toqqarneqarneratigut NUNAOIL-ip piffissami kingusinnerusumi Namminersorlutik Oqartussanit uuliasiornermik ingerlataqartunngortissinnaanissaa periarfissaqartuassaaq, taamatut aaqqiinissaq aningaasarsiornikkut inuiaqatigiinnilu atugassarititaasut piffissami aggersumi allanngoriartornerat ilutigalugu taamaasiornissaq soqutiginarsissappat.

Namminersorlutik Oqartussat piginneqataassutaasa uuliasioritseqatigiiffimmit uuliasiornermik ingerlataqanngitsumit isumagineqalernerani iluaqutissat makkuupput:

- o Namminersorlutik Oqartussat siunertarineqanngitsumik akisussaaffilerneqassanngillat akisussaaffik ingerlatseqatigiiffiutigineqartumit kisimi akisussaaffigineqassammat.
- o Namminersorlutik Oqartussat aningaasartuutigisartagai annikillissapput, ingerlatseqatigiiffiup suliassai killilerneqarsimammata;
- o Ingeerlatseqatigiiffik mikisuujuassaaq, eqaatsumik ataatsimoortumillu suleriaasilik uuliasioritseqatigiiffimmit uuliasiornermik ingerlatsisumit pingaarnertut sanilliullugu piginnaassassat pisinnaasallu eqqarsaatigalugit allatut piumasaqarfigineqarsinnaasoq.
- o Ingerlatseqatigiiffiup siunertai aalajangersagaareerput taamaasiornikkut aningaasartuutit pitsaasumik aaqqissorneqarsinnaassapput tassani pingaarnertut piginnaasat immikkut isiginiarneqassallutik, aammalu teknikkikkut inatsisitigut il.il. misissoqqissaagassat ilaat siunnersortinit avataaneersunit akilerlugit suliakkiutigineqartarsinnaassallutik;
- o Ingerlatseqatigiiffik piffissap ingerlanerani suliassatigut ima piginnaasaqarsimatigilersimassaaq allaat uuliasortitseqatigiiffinnik uuliasiornermik ingerlatsisunik sunniisinnaallunilu nakkutillilersinnaalersimassalluni.
- o Ingerlatseqatigiiffiup assersuutigalugu Petoro AS3 (matuma kingorna Petoro) aamma Nordsømi misilittakkat ilisimasallu killilimmik iluaqutigisinnaasavai.

Naggasiullugu oqaatigineqarsinnaavoq NUNAOIL A/S ingerlaavartumik aningaasaliiffigisarunnaarlugu kiffartuussinissamik isumaqatigiissuteqarnikkut aningaasalersulersinnaanissaa Naalakkersuisut eqqarsaatersuutigimmassuk. Tassunga atatillugu suliassat aningaasatuutaasartullu misissuiffigeqqissaarnissaat suliarineqassaaq, Naalakkersuisullu pilersaarusiornermut atatillugu anguniagaat tassalu NUNAOIL allanngortinneqassasoq piffissaq aggersoq eqqarsaatigalugu uuliasiornermik toqqaanartumik ingerlatsisuujunnaarsinnissaanik anguniagaq naammassisinnaajumallugu tassunga ilanngullugit sulisut akissarsiaat annertoorujussuit misissorneqassapput.

Ingerlatseqatigiiffiup suliaasa malinnaaffigeqqissaarnerisigut - ilutigalugu sulisut akissarsiaasa nalinginnaasumik akissarsiaasartunut naleqqussarnerisigut - aningaasatuutaasartut naleqqussarnissaat periarfissaqassaaq – tassunga ilanngullugit sulisut akissarsiaat tupinnaannartumik qaffasissuseqartut. Sulisunut pisortaasunullu aningaasarsiaasartut eqqarsaatigalugit nalilerneqarpoq ingerlatseqatigiiffiup sulisunut aningaasartuutigisartagai ingerlatseqatigiiffinnut allanut namminersorlutik oqartussanit pigineqartunut naleqqussarneqartariaqartut.

Ingerlatseqatigiiffimmi ukiuni kingullerni sulisuusartut agguaqatigiissillugu arfineq pingasuusarsimapput. Suliarisartakkat Namminersorlutik Oqartussat piginnittutut soqutigisaanut naleqqussarnerisigut naatsorsuutigineqarpoq sulisut sisamanik ilanngarneqarsinnaassasut – inatsisileritooq ataaseq, aningaasarsiornermik ilinniagartooq ataaseq ujarassiooq ataaseq pisortarlu ataaseq – pisariaqassappat allaffimmiunik ilaneqarsinnaallutik.

Nalunaarsuiffimmi tullinguullugu saqqummiunneqartumi ingerlatseqatigiiffiup massakkut aningaasartuutisartagai takutinneqarput:

	Aningaasartuutit t.kr.- inngorlugit suutit takukkit	Aningaasartuut agguataarlugit
Pisortaq	1.783.000	1.783.000
Atorfillit 8-t aningaasarsiaat	7.512.000	Atorfillimmut ataatsimut 939.000 kr.-it
Pensionit	826.000	Akissarsiat 12 %-iat
Isumaginninnikkut qulakkerisunut aningaasartuutit allat	72.000	9.000 kr. sulisumut ataatsimut
Sulisunut aningaasartuutit allat	1.199.000	Aningaasarsiat 16 %-iat
Ingerlateqqillugu fakturaligaq ilanngussa 4	-1.722.000	-22,9 % akissarsianit
Katillugit	7.887.000	

Agguaqatigiissillugu akissarsiaritinneqartut Namminersorlutik Oqartussat ingerlatseqatigiiffiutaani tamani qaffasinnerpaajupput. Ingerlatseqatigiiffiit 'oqimaatsut' allat soorlu Visit Greenlandip aamma Greenland Holdingip 2013-imi agguaqatigiissillugu aningaasarsiarititaat 521.000 kr.-iullutilu 636.000 kr.-iupput. NUNAOIL-im i agguaqatigiissillugu aningaasarsiaritinneqartut, direktørip aningaasarsiai pinnagit, ingerlatseqatigiiffiit taamatut piginnaasat eqqarsaatigalugit pisariaqartitsiviusut allat sanilliunneqarsinnaasunit 300.000 kr. aamma 400.000 kr.-it akornanni qaffasinnerupput.

Aningaasarsianut siunissami aaqqiissutaajunartut tabel-imi tullinguullugit saqqummersinneqarput:

	Siunissami akissarsiarititassat atorfikkaarlugit	Aningaasarsianut aningaasartuutit tamakkerlugit
Atorfillit sisamat akissarsiassaat	700.000 kr. sulisoq ataaseq	2.100.000
Aningaasarsiat – HK-itut atorfilik ataaseq	400.000 kr. sulisoq ataaseq	400.000
Pensionit	Aningaasarsiat 16 %-ii	400.000
Isumaginninnikkut qulakkeerisunut aningaasartuutit allat	9.000 kr. sulisumut ataatsimut	36.000
Sulisunut aningaasartuutit allat	Aningaasarsiat 10 %-ii	250.000
Ingerlateqqillugu fakturaligaq ilanngussaq 4	Aningaasarsiat 20 %-ii	-500.000

Tunngavissat taamatut itsillugit siunissami sulisunut atorfeqartinneqartunut aningaasarsianut aningaasartuutit qullersaqarfimmu siulersuinullu aningaasartuutit ilanngunnagit 2.686.000 kr.-iussapput, pitsanngoriaataasinnaasut 5.201.000 kr.-iusinnaallutik.

Ingerlatseqatigiiffiup siulersuisuinut aningaasartuutit Namminersorlutik Oqartussat siulersuisuni ilaasortaatanut aningaasarsiaritittagaat naapertorlugit aalajangersimasuupput – siulersuisunut sulinerinut atatillugu aningaasartuutit allat annikitsuaraanissaat naatsorsuutigineqarpoq.

2013-imut ukiumoortumik nalunaarusiaq naapertorlugu Ingerlatseqatigiiffimmi direktøri 1.751.000 kr.-inik aningaasarsiaqarpoq. Ingerlatseqatigiiffiup killilimmik angissuseqarnera eqqarsaatigissagaanni namminersorlutik oqartussallu ingerlatseqatigiiffiutaanut allanut sanilliussagaanni taakku annertooujussuartut oqaatigineqarsinnaapput. Ingerlatseqatigiiffinni namminersorlutik oqartussani pigineqartuni allani pisortanut aningaasartuutaasartunut allanut Visit Greenland (1.174.500 kr.) aamma Greenland Holding (1.231.760 kr.) naleqquttumik aningaasarsisitsisalnissaq naleqquttutut isigineqarpoq. Ingerlatseqatigiiffiup pisortaanut aningaasartuutaasartut 1.000.000 kr.-inut appartinneqartariaqarput, taamaasiornikkut 751.000 kr.-inik pitsanngorsaananut illikartitsisoqarsinnaassaaq.

Ingerlatseqatigiiffiup avataaneersunut aningaasartuutigisartagai allat misissoqqissaarnissaanut atugassanik ukiumoortumik nalunaarummi erseqqissumik nalunaarutiginnittoqarsimanngilaq. Ukiumi naatsorsuusiorfiusumi 2013-imi taakkununga aningaasartuutit 3.753.000 kr.-iupput taakkununga (annertuut) piginnaangorsaanermeersuullutik (1,7 mio. kr. missaat)

Pitsanngorsaansani anguniarneqarsinnaavoq 753.000 kr.-it pituttoqqajunnaarnissaat taamaasilluni sinaakkutissat aningaasartuutissallu allat 3.000.000 kr.-inut aalajangersaaffigineqarlutik.

Uani tungavissat aallaviaglugit ingerlatseqatigiiffiup tamakkiisumik
aningsartuutigisartagai imatut annikillisinneqarsinnaapput 5.201.000 + 751.000 +
753.000 kr. = 6.705.000 kr.

- c) Great Greenlands A/S'ip aningaasaqarnikkut inissisimanerata ukiuni tulluuttuni
inger-latseqatigiiffimmut aningaasanik immikkoortitsinissaq
pisariaqalersinngilaa?

Akissut:

5.6 a-mut akissut takuguk)

5.7 Konto pingaarneq 12.01.11 Namminersorlutik Oqartussat Københavnimi
inissiaataat

Inissiami 120-eriarluni unnuisoqarnissaa Naalakkersuisunit naatsorsuutigineqartoq
suliassami kisitsisini allassimavoq.

Københavnimi eqqaanilu ukiuni kingullerni marlunni unnuinerit qanoq amerlatigisut
Naalakkersuisunit aammalu naalakkersuisoqarfinnut aqutsisunit/pisortanit
akilerneqarsimanersut paasissutissiissutigineqassasoq ataatsimiititaliamit
kissatigineqarpoq?

Akissut:

2013-imi unnuinerit 117-iusimapput 2014-illu qaammataanni siullerni 9-ni 99-iusimallutik
ukiullu sinnerani unnuisoqarsimanani qaammatini taakkunani nunatsinni
naalakkersuinikkut pissutsit pissutaallutik.

Københavnimi eqqaanilu ukiuni kingullerni marlunni tamakkiisumik unnuisarsimanerit
qanoq amerlatiginerinik paasissutissaateqartoqanngilaq. Apeqquumi pineqarput
piffissap ingerlanerani naalakkersuisooqatigiissimasut assigiinngitsut pingasut,
departementscheferpassuit/direktørerpassuit naalakkersuisoqarfinnit pisorta qarfinnillu
assigiinngitsorpassuarneersut.

Apeqquut taamak annertutigisooq akissuteqarfigineqarsinaanissaanut piffissaq
annertunerusoq aammalu sulisut amerlanerusut pisariaqartinneqarput. Tamaattumik
ataatsimiititaliamit ilisimatitsissutigeqquneqarpoq unnuinerit tamarmik pineqarnersut
imalluunnit Lejlighed Københavnimittoq siuliani akissuteqarfigineqartoq kisimi
pineqarnersooq.